

## САЙ

### I

Аксинья моншаның артындағы мая шөптің етегіне барып, көйлегін шешіп тастап, өзінің денесіне қарады: терісі сүйегіне жабысып қалған, денесінің түсі шикі жидек сықылды сарғылт және денесінен күздікүнгі қуарған мұктің иісі шыққандай.

Аксинья курсініп:

– Бұл неліктен бұлай болды? – деді.

Үстіндегі аспан аппак. Сүттен де ақ. Жер аспанға азыза-ғын атып, көкке борсыған иісін, күлімсі лебін жіберіп тұр.

Ауылдың басқа адамының бәрі еңгезердей, сап-сау, сеп-семіз. Бетіне шертсөн, қаны шапшып шығайын деп тұрған-дай. Жүргенде алшаң-алшаң басады. Мұртынан қуледі. Уайым да жоқ, ой да жоқ, жағалары жайлай!

Аксиньяның ері Петр де – сол жаны тыныш көптің бірі. Жұз жыл жыртылмаған қара топырақтай қап-қара сақалын желк-желк еткізіп ылғи айтатын сөзі:

– Жігіттер, биыл егіннің шығысы шығыс-ақ. Құдай берді! – дейді.

Және сөйлегенде қалай сөйлейді, жер ошак қазған бұқадай күр-күр етеді.

Аксиньяның қайын атасы Емелъя баяғы Қазанның ханындай бір маңғаз. Төбесі тақыр ескі моладай басы айна жалтыр. Және ішіне көмілген қалмақтан қалған қазынаны тірі жанға көрсетпей мелшиіп сақтап тұрған сол молаға ұсап, ойын да адамға айтпайды. Мейлінше сөзге сараң адам.

Үстіне кигені қазақтың ала шапаны. Аяғында мәсі. Жүргенде құрдай жорғалайды. Жеккені жорға, қағаздан жасағандай жеп-женіл транпеңкесі бар. Қаладан ылғи түрлі зат тасиды.

Алып келген нәрсесін әшекейлі қалайымен қаптаған сандығына салып, жымың-жымың етеді. Жымың-жымың

етеді деген жай бір сөз. Әсте беті күлмейді, жалтыр тәбесі жымияды.

Қала туралы сөз қозғалса, Петрдің айтатыны:

– Мейлі, бөліне берсін. Біздің шаруамыздың мұрты сынбайды. Қаланың құтыргандары тентіреп бізге келеді.

Аксинья алдынан өте беріп, ерінің көзіне қарағанда, Петрдің көзі оған суалып құрып қалып үнірейіп тұрған аспандай болып көрінуші еді. Тұнде Петр Аксиньяны қысып құшақтап, жаншып, бетіне сілекейін тамызып, пысылдағанда, Аксинья Петрге қарамай көзін жұматын еді. Петрді жан алғыштай жек көруші еді.

Аксиньяның қайын енесі Фекла кемпір мая шөпті жағалап, жұмыртқа іздел жүр. Биыл тауық жұмыртқаны жаман салады. Кез келген жерге тастап кетеді. Фекла қурап тұрған шөптің етегін, борсыған, қоңырсыған қиқымды ақтарып жүр. Қызыл иегіне жабысып қалған ерні қолындағы құшөптей судырап:

– Аксинья, сен естідің бе, Ресейде туған баланың бәрі аяқсыз болып туып жатыр дейді ғой,— деді.

– Білмеймін.

– Білмеймін! Әрине, білмейсің! Бұрын үлкенді сыйлау, үлкеннің сөзін тыңдау бар еді. Бұл күнде бәрі өзі біліп туған! Атасының басын біледі!.. Әрине, білмейді!.. Жұрт азды ғой.

– Әже, менің жүрегім қобалжи береді. Жан тыныштығым жоқ.

– Шіркеуге барып садақа бер. Не болмас дейсің. Заман бұзылды ғой. Тажал шығып Ресейді жалмап жатыр. Қиямет-қайым болды ғой.

Борсыған қиқымды ақтарып жүріп, сәлден кейін Фекла кемпір тағы сөйледі:

– Әттең, шамам жоқ. Болмаса орманға баар едім. Сен барсаншы.

– Аю көрмеппін бе? Орманда нем бар?

— Саңырауқұлақ жина! Қала халқы нан орнына саңырауқұлақ жеп жатыр дейді. Қырылсын иттер! Саңырауқұлақ жинасаң, мақпал көйлекке айырбастап алмайсың ба? Мақпал болмаса, жібек көйлекке айырбастасаң бірденең кете ме?..

Емелья қарттың үйі – ұлкен үй. Әйнектері кішкене, іші қара көлеңке. Тағы тастардан қалай салған тас күркес сықылды. Үй маңынан ашытқан нан ісі шығады. Жаз бойы әйнек жабылған емес.

Ашаршылық басталған кезде қаладан бос қаптарын сүйретіп, қаусаған, ерні кезерген өңшең аштар келіп қайыр сұраған болатын. Ауыл:

— Құдайдан сұра, Құдай береді! – деген.

Сонан аштар ауылға келмейтін болды. Бұлар келуден тоқтаған соң, үретін адам жоқ болып, ауыл иттерінің іші пысатын болған. Бірен-саран келген қаланың қайыршылары ауылдың барқылдан қарсы быртиған тәбеттеріне күншілдікпен қарайтын.

— Тәбетке бір күнде беретін тамағын бізге бір жетіде бермейді, – десетін.. Ауыл халқы:

— Өз сазайың. Тоқтық іздесең тыныш жүрер едің, – дейтін.

Жалпылдақ тәбеттер жалбандан қайыршылардың жыртық шапанының етегін жырым-жырым қылып: «Сыйым осы, енді келме» деп шығарып салатын.

## II

Аспан сарғылт қызыл түске кірген апақ-сапақ уағы еді. Құмнан қызыл жол есті. Орыс ауылына шөлден қазақтар келді.

Улкен дөңгелектері арбаңдаған қазақ арба шиқылдан ауылды шуға толтырды. Арба сайын тұтегі-тұтегі болған текеметке оранып, қаққан қазықтай, кеүіп, семіп қалған қазақ жатыр.

Бір кесім ет жоқ, терісі сүйекке жабысып қалған. Тек сорайған сүйек, үстеріндегі далба-дұлба тондарын, бет-аузын бәрін құм басып қалған.

– Нан – клеб, нет – жоқ... – деседі. Үндері көп моланың арасынан жетімсіреп жүдеп, баяу ескен желдің үніндей.

– Клеб нету?..

Мұжықтар тозанды түк басқан жалаң аяқтарын балпіта басып, жиылысып қазактарға қарап тұр. Кейбіреулері жақындаپ барып қазактың кеүіп қалған терісін сипап, тырнап қарайды. Бұлай кете беріп:

– Адам болмайды... – деседі. Петр қазактарға:

– Кетіндер!... – деді.

– Нан нету? Клеб нету? – десті қазактар.

Жыртық күпілерінің жабағысын жел жұлып ұшырып әкетіп жатыр. Түйе жүн тұмақтарының жабағысы да түтегіте болып түтіліп түсіп жатыр. Түйелері – қу сүйек. Өркештері бос mestей мыжырайып, терісі құрысқан көндей қатпар-қатпар болған.

Аксинья есік алдында тұрып қазактарға қарап жылап тұр. Бұрын жүдеу Аксинья жылаған соң тіпті жүдеу көрінді. Ару емшекті бала емгендей, Аксиньяның жүргегін ой еміп тұр.

Фекла кемпір, қолында сүт шелегі бар, өте беріп тоқтап, Аксиньяның жылап тұрғанын байқап, бастыра байладап алған бас орамалын босатып, Аксиньядан:

– Шіркеуге барып садақа бермедің бе? – деп сұрады.

Анадай жерде көтерем түйе бақырып тұрмай жатыр. Аш қазак көтерем деп әуреленді, мұны Аксинья көріп тұр.

– Эй, аяныш-ау....

– Е, кімді аяп тұрсын ғафы?

– Мынау аш қазактардың күні қараң ғой!

Кемпір қолындағы шелекті күңгірлетіп, зәрленіп былай деді:

– Е, мұнда тентірегендер аз ба? Бәріне бере берсең түгің қалмас. Жұмыс қылғылары келмейді, аш болмағанда

қайтеді! Оларды не қылайын деп едің, қой арман. Малды Ертіске айда. Суаратын адам жоқ. Шөлдеп тұр ғой. Тентіреген тіленшіні жаңа көріп пе едің?

Аксинъя малды айдал шықты. Қақпаның алдында Петр тұр екен. Үндеген жоқ, бұрылып малды өткізіп жіберді. Петрдің жанында Аксинъяның қайын атасы Емелыч тұр. Беті күлмей, жалтыр тәбесі жымың қағып, сөзін санап, салмақпен былай деп тұр:

– Мен оларға астыққа түйелерінді айырбаста дедім! Ақымақтардың айырбастағысы келмейді. Аз бересің дейді. Ол мұндардың бір түйесіне бір пұт бидай аз болып па?..

– Керегі не... Күып жіберу керек.

– Оның дұрыс. Күып жіберу керек. Елге оба таратар... Қытай обадан қырылып қалыпты дейді ғой! Олардың ішінен де большевик шығып, тұбіне сол большевик жетіпті...

– Әке, қалаға қашан жүрестін?..

...Қазақтар арбаларының жанында жерде отыр. Бұйра шашты казак-орыс жігіт шалғы темірден жасаған селебе пышақпен нан кесіп жатыр. Кескен нанын асықпай-саспай бір маңызбен жерде отырған қазақтарға лақтырып тұр.

Қазақтар жерге тұсken нанды жанталасып шөп-мөбімен асап жатыр. Нан шайнағанда барлық денесі – мойны, иіні, қеудесі, аяғына дейін қимылдайды.

Бұйра шашты жігіт нанды лақтырып тұрып:

– Аса! Аса! – деп қояды.

Қозғала алмай арбада жатқан қазақтар көзін сүзіп мөлип қарап жатыр.

Қазақтар көзінің сілекейге ұқсаған сорасын сүртіп:

«Рақмет, Санке, рақмет», – деседі.

Суға айналған сиыр тозаң басқан тұмсығын суға тығып, сораптап Ертістің жылды суына қанды. Көздері дөңгелек тұңғылық қара суға бензеді.

Бұйра шашты Санька нанды кесіп қазақтарға лақтырып тұр.

– Аса! Аса! Құдай бір, дін басқа!

– Дұрыс – берне! Дұрыс – берне! – деп қазақтар мың-қылдайды.

Санька мал суарып келе жатқан Аксиньяны көрді.

Беті Арқаның тұзындаі аққұба бозбала. Бүйра шашы желк-желк етеді. Зенгір зор көздері су құйған тостағандай мөлт-мөлт етеді.

– Да, жеңге, жайың қалай?

Аксиня қызырыңқырап езу тартты. Денесі көтеріліп кеткендей болды. Шілдеде ыстықтаған денеге салқын су тигендей болып, барлық денесі сергіп кеткен тәрізді болды.

– Шүкір, қайнам...

Аксиня кете барды.

Сонан кейін аспан қызғылт көк түске кіріп, жерді дел-салғып жаншып, тишу түн басқанда Аксиня бұғып барып өз үйінің астық сарайына кіріп, бір қапқа астық салды. Қапты әрен көтеріп, бір қолымен жерге таяна-таяна, демігіп, әзер дегенде қазақтың қасына алып барды.

Қазақ маңынан айран иісі мен тезек иісі мұңқіп кетті. Қазақтың аш иттері қарлыққан дауыспен қырылдан үре бастады. Аксиня қорқып кетті. Қапты қоя салып, өзі кейін қаша жөнелді.

Қазақтар қапты көріп, алып барып арбаға салып жауып тастанды.

...Жүгіріп келе жатқан Аксиня аяғы шөпті жапырып келеді. Баласының жыртық жағасын жөндеп қойып жатқан шешедей, жел жапырылған шөптерді тұрғызып, түзеп қойып жатыр.

Қараңғы терең сайлардан қорыстың, сасық судың, долананың жүректі жаратын ауыр иісі келіп тұр.

Тұстікке кетпек болып топтанып жүрген үйрек иісі де шығады...

Аксиняның қеудесіне шер толып келеді. Бірақ неліктен бұлай болғанын Аксиня біле алмады. Кетпек болып топтанып жүрген үйрек иісін екінің бірі сезе бермейді ғой. Сезсе де, бұл иістің не мәнісі барын біле бермейді ғой...

### III

Сай иірілген жыландаі болып ауылды қоршап алған. Ауылдың қонысы май қара топырақ. Сайдың шәбі – ну, мал таптырмайды. Сайды жайланаған сиырдың сүті қаймақтай қою, балдай тәтті.

Саңырауқұлағы тоқтының күйрығындай. Черняев деген атаман баяғыда осы жердің саңырауқұлағын патшаға сый қылып жіберіпті деседі. Бірақ саңырауқұлақ патшаның ішіне жақпайтын болып, маңайында жүрген молдалар жепті дейді. Черняев атаманға патша саңырауқұлақ жібергендігіне деп ылғи гауһартастан орнатылған кемер белбеу жіберіptі.

Сайды басып шығатын жол шіліктің ішімен, балапан қайынды аралап, түстікке қарап кетеді...

Калаға шұбырған аш қазақ пен біздің базаршыл Емелыч карт болмаса, жолға шөп шығып кететін түрі бар.

Жолдың екі қабырғасы жаппай біткен жусан мен кәрікызы. Абырынан айырылған кәрікыз арбаның дөңгелегіне жабысады.

Аксинья сиыр айdap келемін деген сылтаумен күн сайын сайға баратын болды.

Бала қайын, тырбық тікендердің арасымен келе жатыр. Сайдың сасық іісі етегіне жабысып, жоғары өрмелеп, шашының арасына толып келеді. Алдында аруақтай болып, тек кірпік қағып арбасында сұлық жатқан аш қазаққа ұсап, жіп-жіңішке болып созылып, жалғыз сорап жүдеп, жол жатыр.

Дөңгелекке қадалған кәрікыздай миына ой қадалып келеді, ашы жусан жегендей жүрегін шер жеп келеді.

– Жасаған-ау...

Аксинья күніреніп зарлап келеді:

– Жасаған-ау! Мынау күн күйдірген даладай сенің көзінді де күйік шалған ба? Қала халқы тас-топырақ жеп жатыр дейді ғой...

Аксинъяның козінде жалаңаш ыстық тастың үстіндегі бір адам – ілбиген біреу тәнітіректеп, желдің лебімен-ақ селедей теңселеді. Даусы қыр-қыр етіп тамағынан шығады. Күш-куаты қалмаған. Аяныш болғанда, өзекті өртейтін аяныш...

– Жасаған-ау, неліктен бұлай болды?.. Біздің ауыл астықтың астында жатыр... Пәленше шақырым маңайдың бәрі жайқалған егін... Сонда да бұларға аз көрінеді... Өзі тойса да, көзі тоймайтын өншең қомағай... Өншең жауыз... Жалмауыз...

...Бір бұйра шашты аққұба жігіттен басқаның бәрі мейірімсіз, қайырымсыз, тас жүрек... Аксинъяның көзіне басқа тірі жан көрінбейді. Көз алдында осы жігіт қана. Өне, қызыл ала шалбарлы аққұба ашаң жігіт аш қазақтарға нан кесіп беріп тұр. Үлкен зенгір көздері қазақтарды аяп, толып тұрған тостағандай мөлт-мөлт етіп тұр...

Аксинъя бұта-бұтандың арасымен құңіреніп келе жатыр. Тікенді тырбық бұталардан ауыр ойдың, қалың қайғының ісі тарағандай. Сайдың аранынан ылғи иіс шығады. Шөпті, талды, қызылдау қайынды, патшаға сыйға жіберілетін санырауқұлақты – барлық өсімдікті сай сиқырлы лебімен өзінің аранына тартып тұрғандай...

Аксинъяның жүргегін сорып келе жатқан мыналар: бұйра шашты бозбала, шөп басып жатқан жінішке жол, аш қазақ шұбырған құм-шөл, әсіреле, қала. Ілміген, науқас нәрестеге ұсаған қала...

Сол ілміген науқас нәрестені қолына алып, көкірегіне қысса, емшегін емізсе. Аш бөбек емшек көрген соң, куанып күліп-жылар еді-ау... Бөбек шидей қолын шолтаңдатып емшекті қармап, әрі жылап, әрі күліп, өксіп-өксіп емер еді-ау...

Аксинъя құңіреніп жылап келеді.

– Жасаған-ау, сенің көзінді де күйік шалды ма? Неге көрмейсің! Көзің қайда, жасаған, көзің!

Ұзын қияқ шоңгер аяғына оралып келеді. Кей бұталардың мәуесі топ-топ етіп түсіп жатыр. Ана жер, мына жерден үйректің барқылдағаны естіледі.

Жасаған-ау, көзінді күйік шалған шығар?..

Тәнірінің тілі байланған, үндемейді. Құлағы керең болған, түк естімейді. Тек сайлар ғана қомағай аранын ашып, сасық лебін жіберіп, ежелгі сасық сөзін сөйлеп тұр.

#### IV

Аксиньяға ауылдың сыртында бұйра шашты бозбала кез болды. Зенгір көзі көгілдір көкке ұсайды.

– Серуендең жүрсің бе, Аксинья жеңге?

– Сиыр іздеп жүрмін...

Бұйра шашты бозбала бір мәуелі бұтандың жанында тұр. Бұта да бұйра. Бұтандың балбыраған мәуелері салбырап тұр... Аксиньяның көзі бұйра шашты бозбаланың мәуе сықылды елбіреген ерніне тұсті...

Аксинья қызырып төмен қарады да, тағы ақырын салмақпен көзін көтерді.

Бұйра шашты бозбала да бір қызырып, бір бозарып кетті. Терен сайдың түбіндегі қара көлеңкедей бұйра шашты бозбаланың жанын қара көлеңке ойлар қаптап кетті.

Екеуі басқа сөзге келмеді, айырылысты. Аксинья сайға, бозбала ауылға кетті.

Келесі күні Аксинья тағы сай бойлап келе жатса, алдында бір бұтандың түбінде бұйра шашты бозбала отыр, Көнілі шат, жүзі жарқын. Аксиньяға қарап алақанын жайып күліп:

– Сауда қылып жүр мे? – деді.

Күлгені келемеж қылғаны ма, жоқ, күндеңені ме, белгісіз.

– Біздің үйдің кісілерін айтасың ба?

– Ие.

– Е, қалаға барып, астыққа асыл нәрселер айырбастап әкеліп жүр ғой.

– Петр сөйтіп жүр ме?

Аксиньяның көз алдына жұз жыл жыртылмаған қара топырақтай қалың қара сақалды Петр келді. Петрдің жүрісі – ағаш орнынан көшкендей арбаңдаған жүріс. Еңгезердей Петр қазір көкірегін жанышқандай болып, Аксиня көкірегі ауырған тәрізді болды... Қазанның ханына ұсаған атасы Емелыч та Аксиньяның көз алдына келді...

Бұйра шашты бозбала сақ-сақ күледі.

– Не болды, қайнам?

– Ауылға иттен өзгенін бәрі толып кетті-ау. Орыс дейсін бе, қазақ дейсің бе, тіпті тамаша!

Сәл тұрып Аксиня былай деді:

– Қайнам-ау, менің жан тыныштығым жоқ. Неліктен екенін білмеймін..

– Шаруаларында әрекет бар ма?

– Жоқ!

– Мылжың кемпір мазаңды алатын шығар?

– О да емес!

– Енді не?

– Білмеймін. Өзім де білмеймін. Әйтеуір тыныштығым жоқ...

Бұйра шашты бозбала мырс етіп күліп, аяғын жинаң-қырап, бірденеге оңтайланқырағандай болып:

– Болса болар... болса болар...— деді.

Бозбаланың бет-аузы құбылып, қолы дірілдеп, ерні дымданып дертіп кетті.

Қолын Аксиняның санына салды, қайта тартып алуға шамасы болмай қалды...

...Мұнан кейін бұйра шашты бозбала да тап Петрге ұсап сілекейін ағызып-тамызып Аксиняның арық денесін жанышты, езді. Онан кейін тағы Петр ұсап пысылдалап, шалқасынан түсіп сылқ етіп жата кетті.

...Аксиня бір уыс шөп жұлып алып, бозбаланың жұмулы жатқан көзінің үстіне салды.

Куаныш алқымына тығылып булықтырған тәрізді, ыстық үнмен сыйырлап Аксинья:

— Шептің қурап қалғанын көрдің бе? — деді.

Бұйра шашты бозбала теріс қарап қырынан жатты. Көзінің үстіндегі шөп жерге түсті.

— Күз болып қалды ғой. Қурамай...

Аксинья курсініп, сайдың арғы жарқабағына қарады. Жарқабақтың шәбі көгеріп, тағы шабуға келіп өсіп қалыпты. Бала қайындар дір-дір етіп, көкке қолын созып түрғандай.

— Санька, мен саған бір сөз айтайын. Екеуіміз кетейік!..

— Қайда?

— Мынау жауыз, жалмауыз жұрттың ішінде тұра алатын емеспін... Жанымның тыныштығы жоқ... Кетейік... Сен өзгедей емес, ақ көңілсің. Адамға қайырымдысың...

Бұйра шашты бозбала тұра келіп, тап Петрge ұсал екі аяғын керіп, талтайып тұрды. Қалғыған адамдай құжырайып, басын қисайтып, маңызды кісісп болай деді:

— Бұл сөзді еріңе наразылықтан айтып тұрсан, оның жарасы жеңіл. Басыңнан таяқ айырмайтын болса, айрылам десен, оңай-ақ айрыласың. Бұл күнде закон жеңіл ғой. Кетүге, әрине, болады. Бірақ қайда кетеміз?.. Кететін жер жоқ!..

Желкесін қасып, былш еткізіп бір түкіріп алғып, тағы былай деді:

— Сен байыннан сұрашы: қорасында біраз бөрене жатқан көрінеді, сатпай ма еken?.. Жұмысшы жалдамақ едім, қызметкер жақсы адам таба алмай жүрмін. Өзіңе мәлім: бұл күнде жұмысшы оңбай кетті ғой...

— Не дейсің, Санька? Мен сөзіңе түсіне алмадым..

— Үй салмақпын!

Саньканың аузынан мынау сөздердің шыққанына Аксинья аң-таң қалды. Төбесінен сұық су құйып жібергендей, біреу денесіне біз сұғып алғандай болды. Жүргегі қобалжып, аласұрып ойнап кетті. Аксинья ақырын да болса ышқынып шыққан дауыспен:

## Шыгармалары

— Аш қазақтар шы?.. Санька жаным-ая!.. Күні кеше аш қазақтарды аяп нан беріп тұрған сен емес пе едің?—деді.

Бұйра шашты бозбала қарқылдап құлді.

— Ойбай, Аксинья, қазақ дегенің бір қызық!.. Титығы құрып, аштан қатқан немелерді көнірдектетіп бір тойғызайын, қайтер екен дедім. Үйден үлкен бір бөлке нанды алып шығып, кесіп лақтырып тұрмын. «Аса! Тезірек қылғы!» деп қоямын... Жеп-жеп, айуандардың тап сол жерде үшеуі өліп қалды. Ха-ха-ха...

Осылай деп қарқылдап бұйра шашты бозбала Аксиньяның көзіне тікелеп қарады. Аксиньяның ойлы, мұндық көзінен бұйра шашты бозбала ешнәрсе көрген жоқ. Аксиньяның жанын зәрлі жыландағанда ауыр ой шағып тұрғанын Санька сезген жоқ.

— Ертең жексенбі. Біздің үйге қонақ келеді. Қолым босамайды. Сен дүйсенбі күні осы жерге кел. Жарай ма?

Бұйра шашты бозбала осылай деп өз жөніне кете барды.

...Аксинья етбетінен жерге сылқ етіп құлап, сардаланы зарға толтырып, шырағынан, үмітінен айрылған анадай қүніреніп, дауыс қыла бастады.

Тап төсіне бір тал алабота тұра келген екен, жығыла кеткенде алабота бырт етіп сынып қалды. Қурап тұрған басқа шөптер де бырт-бырт сынды. Сарғайып қурап тұрған бордың сыннығындағы Аксиньяның үміт құсының қанаты сынды. Домбыраның қатты бұралған ішегінің шарт етіп үзілгеніндей үміті үзілді...

Сайдың аранынан қоңыр інір жылжып шығып, шөптерді, бұталарды қара желегімен бүркеп, тұла бойын түк басып тағы болып жапанда жүдеп жалғыз жатқан сүрлеу жолдың бетіне қара кебін жапты...